

DANKBAARHEIDSMAND

Ons het die mooi gebruik in ons gemeente om NOVEMBER af te sonder as Dankbaarheidsmaand. Die gedagte daarmee is dat ons een maand in die jaar sal afsonder om na te dink oor al die wonderlike gawes wat ons oorfloedig en genadiglik uit God se hand ontvang: fisies, geestelik, sosiaal en andersins. Ons wil ook geleenthede skep om uitdrukking te gee aan ons dankbaarheid. Die eredienste gaan daarvoor ingerig word. Op 4 November vier ons Nagmaal, op 11 November bid ons vir die Vervolgde kerk, op 18 November bid ons vir ons Beskermingsdienste en op 25 November is ons Kerssangdiens. Ons kan ook ons kleingroepe met kreatiwiteit inrig om geleenthede te gee om dankbaarheid te betoon. Op 15 November is ons Vonkelvroue se laaste byeenkoms. In die lig van ons finansiële posisie wil ons u ook oproep om opnuut nadink oor u dankoffers en ander offergawes. 'n Koevertjie word uitgedeel waarin u 'n spesiale tiende-offer kan bring. Bring dit na 'n erediens en kom gee dit self vir die Here. Indien u verhinder word, kan u dienswerker dit vir u bring. Moedig ook u kinders aan om 'n spesiale werkjie vir die Here te doen en die geldjie wat hy/sy daarmee verdien in 'n koevertjie te sit en na 'n erediens te bring. Ondersteun ook ons HAP&KRAP op 3 November wat 'n laaste poging tot fondsinsameling vir hierdie jaar is. Die Bybel sê vir ons dat God 'n blymoedige gewer liefhet en belowe as ons ons volle tiende na die skatkis bring sy seën nie sal uitbly nie.



HAP EN KRAP

Ons hou weer DV op **3 November** vanaf 08:00 tot 11:00 'n HAP-EN-KRAP in ons kerksaal. Goeie tweedehandse klere, wit olifante en kitsetes sal verkoop word. **Ons is veral opsoek na breekgoed, eetgerei en tuingereedskap.** Die pryse is baie billik, sodat almal iets sal kan bekostig. Jy kan ook klere kom koop om iemand anders mee te seën. Ons het baie goeie boeke wat in goeie toestand is. Daar sal ook weer 'n koffie- en teetuin wees met heerlike gebak. Bring jou vriende, ouers of iemand wat jy wil bederf en kom kuier lekker saam. Vertel ook vir u vriende en werksmense. Kitsetes wat vanuit die kombuis verkoop word: Skaap Kerrie en Rys (R15), Pasteie (R15), Quiches (R15), Kerrie Vetkoeke (R10), Poeding (R10) en Pannekoek (R5).



NG KERK MOSSELBAAI-SUID

AFKONDIGINGE: 28 OKTOBER 2018

"Sing onder mekaar psalms, lofgesange en ander geestelike liedere; sing met julle hele hart tot eer van die Here. Dank God die Vader altyd oor alles in die Naam van ons Here Jesus Christus".
(Efesiërs 5:19-20)

PROGRAM VIR VANDAG

DEUROFFER: Sinodale vir Offer Alta du Toit Nasorg.

KATEGES/KINDERKERK: Gr R-7 vir Kinderkerk in die saal na die kinderoomblik in die diens. Gr 10 vergader vergader nie. Gr 8, 9 en 11 vergader soos deur die dominee gereël.

NUWE INTREKKERS: Baie welkom in ons midde - mag u verblyf tot seën wees! Die dominee ontmoet jou graag na die diens voor die kansel.

VOLGENDE SONDAG

NAGMAAL: Om 09:00 in kerkgebou (ds Danie), Santos Haven 2 (André) en Vleesbaai (ds Robert).

DEUROFFER: Spesiale offer vir Instandhouding.

KATEGES/KINDERKERK: Soos vandag.



PROGRAM VIR DIE WEEK

KLEINGROEPE: Vergader soos onderling gereël. Nuwelinge kan die kerkkantoor (tel. 6903552) kontak vir meer inligting.

Ds Danie: Maandag om 15:00 by Santos 2. Dinsdag 09:30 Kerkgebou.

Ds Robert: Dinsdag 09:00 te 17de Laan 18 en 19:00. Tienie Bothastr 3. Donderdag 09:00 Vleesbaai/Rietvlei.

Ds André: Dinsdag om 09:30 in die saal. Woensdag selgroep om 18:30 te Boekenhoutstr 8.

Woensdag: Santos Haven Biduur om 15:30 (ds André).

Donderdag: Manne bid om 06:00 in die "gat".

Saterdag: 08:00 tot 11:00 HAP & KRAP in die kerksaal.



ANDER INLIGTING

KOSKAS: Oktober is **Streek A** se beurt om bydraes te maak vir die koskas. Droë produkte, groente, blikkies en en gevriesde produkte, asook kontantbydraes kan by die kerkkantoor of die dienswerker afgegee word. Joey (073 2988 142).

DEURKOLLEKTE: Sinodale offer vir Herberg Kinderhuis was R2827-60.

NUWE INTREKKERS: Johannes C Coetzee en Helena C Coetzee (Vleesbaai) vanaf VGK Leipoldville. George Oberholzer (Gholflandgoed) vanaf Metodiste kerk. Anna C Oberholzer (Gholflandgoed) vanaf AGS. Hartlik welkom!

SAAMKUIER NA DIENS: Lekker koffie en tee word na die diens in die kerksaal bedien. Kom kuier lekker saam en leer mekaar beter ken.



PITLOSE ROSYNE: Te koop by die kerkkantoor @ R25/500g.

SIEKES IN DIE HOSPITAAL: Onthou asb om die kerkkantoor of die dominee te laat weet, as u of 'n geliefde of wykslid in die hospitaal is.

KERSMARK: Die kersmark kombuis word vanjaar deur die gemeente self behartig vanaf 17-19 Desember. Enigeen wat bereid is om vir 'n oggend of middag tydens die 3 dae kan help werk, kan asb hul name opgee by die kerkkantoor.

VONKELVROU AFSLUITING: 15 November om 19:00 in die kerksaal. Kom geniet hierdie Bybelse Aand @ slegs R15 toegang by die deur betaalbaar. Onthou asb om koekies of toiletware saam te bring wat ons na die Herberg Kinderhuis sal stuur.



GEBEDSBULLETIN

Tema vir November: God se Heerlikheid

Hierdie week se GEBED EN SMEKING:

- * Matriekeksamen—disipline, volharding en ondersteuning.
- * Die regering. Bid vir 'n nuwe morele kompas, vir die ekonomie, brandstofpryse, werkloosheid, ens.
- * Redding van verlorene. Bid dat mense nie bloot van die Here sal weet nie, maar in 'n verhouding met die Here sal leef.
- * Beplanning 2019—die dominees se beplanning was baie sinvol en die kerkraad beplan in November.
- * Nuwe skoolhoofde by Hoërskool Punt en Laerskool Hartenbos.
- * Mense wat ontnugter, sinies, krities, negatief geraak het tov geloof, die kerk en God.

Hierdie week se DANKSEGGING:

- * Vir die Almag van God—Hy is deur sy krag wat in ons werk, magtig om oneindig meer te doen as wat ons bid of dink.
- * Vreugdevol vry—die Hervorming van 31 Oktober 1517.
- * Dankie vir genade, geloof en die Skrif.
- * Alta du Toit Nasorg in Bellville waar 'n multi dissiplinêre span intellektueel gestremde volwassenes se vaardighede optimaal ontwikkel. Bid vir die 174 inwonende kliënte en 59 dagsorg-kliënte.

PERSOONLIK: Inwoners van Santos Haven se drie siekeboeë, Fynbosrand siekeboeg, Kenani, Huis Elsjé, Benevolent Park, Ons Huis, Huis Caro en Ons Rus. Die volgende lidmate herstel na operasies, hospitalisasie, siekte tuis, of beleef ander krisisse:

Rein Naude Santos Haven, Dennis Viljoen Santos Haven, Lisa van Zyl Santos Haven, Petro Alberts Benevolent Park, Naomi Pretorius Fijnboschpark, Elsabé Zietsman plaas Voëlvlei, Johan Stander Kenani Aftreeoord, Marietjie Barnard Hartenrus, Johan Meyer 12de Laan, Riekie Janse van Rensburg plaas Misgunst.

STERFTES: Selma de Klerk se moeder

BANKBESONDERHEDE

Dankoffers: Absa Mosselbaai, rek.no. 207 058 0031

Geloofsoffers: Absa Mosselbaai, rek.no. 207 016 7886